

Na osnovu odredbi Zakona o vodama (Službene novine FBiH br. 70/06), Zakona o vodama ZDK (Službene novine ZDK (Službene novine Zeničko – dobojskog kantona br. 17/07), člana 4. i 14. Zakona o komunalnim djelatnostima (Službene novine Ze-Do kantona 17/08), člana 13. Zakona o principima lokalne samouprave (Službene novine FBiH br. 49/06, 51/09), Odluke o standardima pružanja komunalnih usluga vodosnabdijevanja, odvodnje otpadnih voda i prikupljanja i odvoza komunalnog otpada (Službene novine Općine Maglaj br. 12/23), te člana 18. Statuta Općine Maglaj br. 8/07, 3/08, 6/08, Općinsko vijeće Maglaj, na sjednici održanoj dana \_\_\_\_\_ 2026.godine, d o n o s i:

## ODLUKU O JAVNOM VODOVODU I KANALIZACIJI

### I – OPĆE ODREDBE

#### Član 1.

Ovom Odlukom uređuju se izgradnja, upravljanje, održavanje i korištenje javnog, odnosno gradskog vodovoda i kanalizacije.

#### Član 2.

Pojmovi u smislu ove Odluke imaju sljedeće značenje:

**KJD d.o.o. Maglaj** – davalac komunalne usluge vodosnabdijevanja iz gradske vodovodne mreže i odvodnje otpadnih voda u skladu sa važećim propisima i Odlukom o odvodnji otpadnih voda;

**Korisnik komunalne usluge vodosnabdijevanja i odvodnje i prečišćavanja otpadnih voda** – pravno ili fizičko lice koje koristi usluge vodosnabdijevanja iz gradske vodovodne mreže, odnosno usluge odvodnje i prečišćavanja otpadnih voda sistemom gradske kanalizacije;

**Snabdijevanje pitkom vodom** – zahvatanje, kondicioniranje/prečišćavanje i distribucija vode za piće vodovodnom mrežom do mjernog instrumenta korisnika, uključujući i mjerni instrument, odnosno zajednički mjerni instrument kod objekata kolektivnog stanovanja, ako nema mjernog instrumenta do ulaznog šahta.

**Odvođenje i prečišćavanje otpadnih voda** – poslovi skupljanja, odvođenja i prečišćavanja otpadnih voda od priključka korisnika na sistem gradske kanalizacije, odnosno od prvog kontrolnog okna do objekta, gravitaciona odvodnja do uređaja za prečišćavanje, tretmani prečišćavanja i ispuštanje u prirodni recipijent, te crpljenje, odvoz i zbrinjavanje otpadnih voda iz septičkih jama;

**Gradski vodovod i kanalizacija** - sva vodovodna, hidrantska i kanalizaciona mreža na području grada, kao i svi vodozahvatni objekti i izvorišta i druga postrojenja za kondicioniranje vode, ulične vodovodne instalacije i ulične instalacije hidrantske mreže koje služe za centralno snabdijevanje grada i naseljavodom za sanitarne i požarne potrebe i odvođenje otpadnih voda, a predati su na upravljanje KJD d.o.o. Maglaj;

**Priključak na gradsku vodovodnu mrežu** – dio vodovodne mreže od ulične cijevi do neposredno iza vodomjera, a sastoji se od spoja ili ogranka na uličnu cijev, uličnog ventila, ugradne garniture, ulične kape, te vodomjer sa „prednjim“ i „zadnjim“ zapornim ventilima u vodomjernom šahtu.

**Priključak na gradsku kanalizacionu mrežu** – diokanalizaciona mreže od uličnog kolektora (ulične cijevi) do prvog vanjskog kućnog revizionog šahta, a ako nema revizionog šahta, onda do udaljenosti 3,00 metra do zgrade ili objekta.

Prvi vanjski reviziono šaht kanalizacije ili udaljenost 3,00 m do objekta predstavlja granicu gradske kanalizacije i kućne kanalizacije.

### II – NAČELA PRUŽANJA USLUGA

### Član 3.

KJD d.o.o. Maglaj dužno je pružanje komunalnih usluga obavljati u skladu sa sljedećim načelima utvrđenim u a to su:

- a) Načelo javnog interesa
  - b) Načelo javne službe
  - c) Načelo kontinuiteta pružanja komunalnih usluga
  - d) Načelo supsidijarnosti
  - e) Načelo efikasnosti i ekonomičnosti
  - f) Načelo osiguranja kvaliteta pružanja komunalnih usluga,
- u skladu sa Odlukom o standardima pružanja komunalnih usluga vodosnabdijevanja, odvodnje otpadnih voda i prikupljanja i odvoza komunalnog otpada Općine Maglaj.

### III – IZGRADNJA VODNE INFRASTRUKTURE

#### Član 4.

- (1) Izgradnja vodne infrastrukture (sistema javnog, odnosno gradskog vodovoda i javne, odnosno gradske kanalizacije) vrši se na način i pod uslovima određenim pozitivnim zakonskim propisima.
- (2) Tekuće održavanje gradske vodovodne, odnosno kanalizacione mreže vrši KJD d.o.o. Maglaj.
- (3) Investicije i investiciono održavanje (izuzev troškova amortizacije vlastitih sredstava KJD d.o.o. Maglaj) finansiraju se iz Budžeta Općine Maglaj.

#### Član 5.

- (1) Novoizgrađeni sistemi javnog vodovoda i kanalizacije nakon ishodovanja upotrebne dozvole od nadležnog organa se prenose na održavanje, korištenje i upravljanje KJD d.o.o. Maglaj.
- (2) Općina Maglaj će prilikom predaje objekata komunalne infrastukture na upravljanje sa KJD d.o.o. Maglaj zaključiti ugovor kojim će se urediti međusobna prava i obaveze.

### IV–ZAŠTITA IZVORIŠTA I DRUGE ZAŠTITNE MJERE

#### Član 6.

Mjere za zaštitu vode za piće provode se na osnovu odluke o zaštiti vode za piće svakog izvorišta pojedinačno, donesene od strane Općinskog vijeća Maglaj, a naročito se odnose na:

- a) Čišćenje i sanaciju postojećih divljih odlagališta čvrstog otpada Bistrica, Ravna, Oručje
- b) Izrada projekta i uspostava monitoringa kvaliteta površinskih voda u slivu izvorišta „Bistrica“
- c) Provođenje agropedoloških istraživanja u cilju utvrđivanja optimalnih uslova obrade i korištenja tla u zaštićenim zonama „Bistrica“
- d) Monitoring kvantiteta i kvaliteta izvorišta "Bistrica"
- e) Nadzor nad sprovođenjem mjera zaštite izvorišta "Bistrica"
- f) Usvajanje odluke o zaštiti u izvorišta „Misurići“
- g) Rekonstrukcija zaštitne ograde prostora i zaštitne zone na izvorištu „Misurići“
- h) Postavljanje znakova - tabli sa oznakama zaštitnih zona u slivnom području
- i) Izrada glavnog projekta izgradnje kanalizacije na prostoru slivnog područja izvorišta „Misurići“
- j) Izgradnja kanalizacije na prostoru slivnog područja izvorišta „Misurići“
- k) Izrada glavnog projekta uređenja kanala Sikola u zoni izvorišta i njegovo održavanje i čišćenje
- l) Uređenje kanala Sikola u zoni izvorišta i njegovo održavanje i čišćenje
- m) Čišćenje i sanacija postojećih divljih odlagališta čvrstog otpada

- n) Sanacija magistralnog puta M-17 i željezničke pruge Sarajevo – Doboj u zoni izvorišta
- o) Izrada projekta i uspostava monitoringa kvaliteta podzemnih i površinskih voda u slivu izvorišta „Misurići“
- p) Provođenje ispitivanja na postrojenju za prečišćavanje vode rijeke Bistrice i Bosne u cilju postizanja zadovoljavajućih efekata prečišćavanja
- r) Monitoring kvantiteta i kvaliteta izvorišta "Misurići"
- s) Nadzor nad sprovođenjem mjera zaštite izvorišta "Misurići"
- t) propisivanje zaštitnih mjera koje se odnose na eventualno druga izvorišta utvrđena nakon donošenja ove Odluke ili dopunu postojećih mjera.

#### Član 7.

- (1) Područja na kojim se nalaze izvorišta vode koja sekoriste ili se planiraju koristiti za javnovodosnabdijevanje moraju biti zaštićena od zagađenja idrugih negativnih uticaja na kvalitativne i kvantitativne karakteristike vode.
- (2) Na području iz stava (1) ovog člana provodi se zaštita izvorišta utvrđivanjem zona sanitarne zaštite čijase veličina, granice, sanitarni režim, mjere zaštite i drugi uslovi određuju prema propisima federalnog zakona.
- (3) Odluka o provođenju zaštite izvorišta sadrži naročito: granice zona sanitarne zaštite, sanitarne i druge uslove u pojedinim zonama i druge mjere zaštite, zabrane i ograničenja, izvore i način finansiranja za provođenje zaštitnih mjera, nazive organa i pravna lica koja će provoditi odluku, te kazne za povredu odredaba te odluke.
- (4) Odluke o provođenju zaštite izvorišta čije se zone sanitarne zaštite prostiru na području općine Maglaj donosi Općinsko vijeće Maglaj.

#### Član 8.

Zabranjeno je izvođenje bilo kakvih priključaka ili odvojaka ispred vodomjera bez prethodne saglasnosti KJD d.o.o. Maglaj.

#### Član 9.

Pravo otvaranja i zatvaranja zasunskih uređaja prije vodomjera ima samo KJD d.o.o. Maglaj koje upravlja javnim , tj. gradskim vodovodom.

#### Član 10.

Korisnik spoja je dužan blagovremeno poduzeti sve mjere da bi se vodovodni i kanalizacioni uređaji koji se nalaze u njegovom zemljištu zaštitili od kvara i bili u ispravnom stanju.

#### Član 11.

Šaht za smještaj vodomjera mora biti suh i čist, a vodomjer dobro izolovan i zaštićen od vanjskih uticaja (mraz, toplota), od uticaja površinskih i podzemnih voda, kao i od mehaničkog oštećenja.

#### Član 12.

Šaht za vodomjer može se postaviti najmanje na udaljenosti od 3 m od osnovnog ili glavnog voda, odnosno 3 m od ulice ili drugog objekta koji se nalazi između glavnog voda i objekta koji se priključuje na vodovod.

#### Član 13.

- (1) Ako se između glavnog voda i objekta koji se spaja nalazi trasa puta, ulica ili neki drugi objekat, onda se šaht za vodomjer postavlja na udaljenost do 3 m od tog objekta.
- (2) Šaht za vodomjer mora biti izgrađen od betona ili opeke unutarnjih dimenzija koje će odrediti nadležna služba KJD d.o.o. Maglaj.
- (3) Dimenzije i karakteristike šahтова za privredu i šahтова putne infrastrukture će biti određeni od strane KJD d.o.o. Maglaj na osnovu tehničke dokumentacije investitora.
- (4) Ukoliko je dubina šahта veća od 1m u takvom šahту moraju se ugraditi penjalice.
- (5) Pristup šahту s vodomjerom mora uvijek biti slobodan.

#### Član 14.

Korisnik usluga koristi vodne usluge tako da:

- a) ne ometa drugog korisnika usluga,
- b) odgovorno i solidarno koristi vodu,
- c) ne ugrožava okoliš,
- d) ne ugrožava objekat i opremu koji služe u svrhu pružanja vodnih usluga,
- e) omogućiti slobodan i neometan pristup mjernom mjestu i javnoj infrastrukturi,
- f) omogućiti operatoru pregled instalacija za vodosnabdijevanje zaključno do mjernog mjesta/vodomjera,
- g) dopušta KJD d.o.o. Maglaj slobodan pristup radi izvođenja radova na izgradnji, rekonstrukciji ili održavanju javne infrastrukture, bez obzira da li je vlasnik, posjednik, odnosno korisnik zemljišta na kojem se provode radovi,
- h) omogućiti KJD d.o.o. Maglaj pregled kanalizacionih instalacija zaključno do revizionog (priključnog) šahta.

## V – TEHNIČKO – TEHNOLOŠKI USLOVI PRIKLJUČENJA

### Član 15.

Sve stambene, stambeno porodične i poslovne zgrade, kao i objekti pravnih i fizičkih lica, društava i drugih organizacija na području grada Maglaja, odnosno na području koje je obuhvaćeno gradskim vodovodom i kanalizacijom moraju biti priključeni na gradski vodovod i kanalizaciju.

### Član 16.

- (1) O izdavanju odobrenja za priključenje nagrađskuvodovodnu, hidrantsku i kanalizacionu mrežu, napismeni zahtjev vlasnika građevine, odlučuje KJD d.o.o. Maglaj.
- (2) Ukoliko se radi o novoizgrađenom objektu, uz pismeni zahtjev podnosilac istog dužan je dostaviti i projekat na uvid.

### Član 17.

Prilikom izdavanja odobrenja iz člana 16. Odluke, KJD d.o.o. Maglaj dužno je odrediti način, uslove, mjesto priključka, kao i odrediti lokaciju šahta za vodomjer, a po izvršenom priključku ucrtati priključak, šaht za vodomjer i druge podatke na kartu vodovodne i kanalizacione mreže.

### Član 18.

Prije zatrpavanja novopostavljenih vodovodnih i kanalizacionih instalacija, KJD d.o.o. Maglaj, odnosno izvođač dužan je obavijestiti nadležni organ općine Maglaj i izvršiti geodetsko snimanje postavljenih instalacija.

### Član 19.

Odobrenje za priključak na vodovodnu i hidrantsku mrežu se ne može izdati ako se ne ugrađuje vodomjer.

### Član 20.

- (1) Razvođenje kućnih vodovodnih, hidrantskih i kanalizacionih instalacija vrši se samo na osnovu projektno – tehničke dokumentacije, uz pribavljeno odobrenje o izgradnji objekta.
- (2) Vodovodne, hidrantske i kanalizacione instalacije, uređaje i spojeve iz prethodnog stava mogu izvoditi i montirati samo ovlaštena – kvalifikovana lica.
- (3) Direktni priključak na vodovodnu, hidrantsku i kanalizacionu mrežu vrši isključivo KJD d.o.o. Maglaj koje upravlja javnim vodovodom i kanalizacijom.
- (4) Troškove ugradnje pojedinačnih – internih vodomjera snose vlasnici stanova i poslovnih prostora, koji su dužni održavati pojedinačne – interne vodomjere.
- (5) Interni vodomjeri moraju ispunjavati uslove propisane od strane KJD d.o.o. Maglaj.
- (6) Svi priključni vodovi do vodomjera i vodomjeri na priključnim vodovima (glavni vodomjeri) su sredstva KJD d.o.o. Maglaj, bez obzira o čijem su trošku izvedeni, pa ih je KJD d.o.o. Maglaj dužno održavati o svom trošku, osim u slučajevima utvrđenog namjernog oštećenja.
- (7) „Zadnji“ zaporni ventil iza vodomjera na priključnom vodu, predstavlja granicu između gradskog vodovoda i kućne instalacije s tim što glavni vodomjer pripada gradskom vodovodu.

(8) Svaki vodomjer postavljen na kućnu instalaciju iza glavnog vodomjera (spojen u seriju sa glavnim vodomjerom) predstavlja interni vodomjer i sastavni je dio kućne instalacije.

#### Član 21.

Priključci na komunalne vodne građevine moraju se izvoditi po pravilu struke i na način koji će omogućiti ekonomski racionalno održavanje, očitavanje i naplatu isporučene komunalne vodne usluge.

#### Član 22.

Priključenje na komunalne vodne građevine izvodi se spajanjem unutrašnje instalacije na izvedeni vodovodni, odnosno kanalizacijski priključak.

#### Član 23.

Svaki objekt koji se priključuje na gradski vodovod mora imati svoj zaseban spoj sa ulične vodovodne cijevi.

#### Član 24.

(1) U slučaju da ne postoji vodovodna cijev, može se, izuzetno i privremeno, dozvoliti uzimanje vode sa susjedne parcele ili prolaz spoja i osnovnog voda preko nje.

(2) Za dvije manje zgrade od po jednog sprata sa malom potrošnjom vode može se dozvoliti jedan zajednički spoj.

#### Član 25.

U slučajevima kada javni vodovod nije uz objekt čija se unutrašnja vodovodna instalacija treba priključiti, odnosno kada se između njih nalazi zemljište drugog vlasnika, vlasnik je dužan pribaviti saglasnost od vlasnika susjednog zemljišta.

#### Član 26.

(1) KJD d.o.o. Maglaj ne smije izvršiti priključenje objekta na gradsku vodovodnu i kanalizacijsku mrežu koji je izgrađen bez građevinske dozvole.

(2) Izuzetak su objekti izgrađeni prije 31.05.1974. godine u smislu Zakona o prostornom uređenju i građenju ZDK.

#### Član 27.

(1) Od dana stupanja na snagu ove Odluke, novoizgrađeni objekti kolektivnog stanovanja kojimaju ugrađene interne vodomjere za svaku stambenu i poslovnu jединicu u zajedničkim stubišnim vodomjernim ormarima ne mogu biti priključeni na gradski vodovod, hidrantsku mrežu i kanalizacionu mrežu, niti mogu koristiti vodu iz gradskog vodovoda i odvodnju putem gradske kanalizacije.

(2) Korisnici koji nemaju vodomjer na sopstvenom vodovodnom uređaju ne mogu biti priključeni na gradsku kanalizaciju, niti mogu koristiti gradsku kanalizaciju.

(3) Korisnicima individualnog stambenog objekta ili stambene zgrade, sa riješenim vodosnabdijevanjem iz sopstvenog vodovodnog uređaja, koji ostvaruju pravo na priključak istog objekta na gradski vodovod u skladu sa odredbama ove Odluke, je zabranjeno korištenje priključnog šahta za smještaj vodomjera i unutrašnjih (kućnih) instalacija za dvojno napajanje.

(4) U slučaju definisanih radnji u prethodnom stavu, korisnici moraju imati za svaki vodni uređaj ili drugi izvor vodosnabdijevanja zasebne priključne šahtove, zatvaračke ventile i razvod unutrašnjih instalacija zaključno sa zasebnim izlivnim mjestom (radi sprječavanja miješanja vode iz različitih izvora).

#### Član 28.

Na područjima na kojima nije izgrađen sistem javne odvodnje, korisnik vodnih usluga dužan je ispuštati otpadne vode u prijemnik (recipijent) u skladu sa Uredbom o uslovima ispuštanja otpadnih voda.

## VI - VRSTE VODOVODNOG PRIKLJUČKA

### Član 29.

Vodovodni priključak izvodi se kao:

- *Stalni priključak* - vodovodni priključak trajnog karaktera koji se izvodi za potrebe korisnika vodnih usluga čija se nekretnina nalazi na području na kojem je izgrađen sistem javnog vodosnabdijevanja.

- *Privremeni priključak* - vodovodni priključak privremenog karaktera koji se izvodi za potrebe građevine montažno-demontažne izvedbe postavljene privremeno na određenoj lokaciji za potrebe gradilišta i za primjenu odgovarajuće tehnologije građenja, kao i objekata izgrađenih i postavljenih u svrhu organizovanja sajмова, javnih manifestacije i radova kojim se privremeno zauzima prostor i mijenjaju uslovi korištenja istog (istraživanje, eksploatacija mineralnih sirovina, šljunka, voda i dr.) , kao i slobodnostojećih reklama, ljetnih i zimskih bašta, montažnih objekata tipa "kiosk" u kojima se privremeno obavlja poslovna djelatnost, AC punionica za električna vozila, i sličnih objekata.

### Član 30.

U pravilu za svakog korisnika usluge izvodi se stalni vodovodni priključak, preko kojeg se nekretnina, sve dok postoji, snabdijeva / opskrbljuje vodom.

### Član 31.

- (1) Na gradilištima novogradnje mora se, ako je to moguće, izgraditi stalni vodovodni priključak.
- (2) Ukoliko izgradnja budućeg objekta još traje, ili zbog tehničkih razloga nije moguće izgraditi konačni prostor za smještaj vodomjera, može se u prvoj fazi izvesti čvor i spojni cjevovod vodovodnog priključka u punom profilu prema saglasnosti KJD d.o.o. Maglaj i postaviti privremeni vodomjer za potrebe gradilišta.
- (3) Nakon ispunjenja uslova za stalni priključak, u drugoj fazi, mogu se ugraditi vodomjeri prema saglasnosti, te na taj način privremeni priključak postaje i stalni priključak.

### Član 32.

Izgradnja privremenog vodovodnog priključka može se odobriti samo u izuzetnim slučajevima:

- kada zbog tehničkih ili pravnih razloga nije moguće na novogradnji odmah izgraditi prvu fazu stalnog priključka,
- za privremene građevine.

### Član 33.

- (1) Privremeni vodovodni priključak traje onoliko dugo koliko traje privremena građevina, odnosno ako je riječ o gradilištu novogradnje, dok se ne steknu uslovi za izgradnju stalnog vodovodnog priključka, nakon čega se prije stavljanja u funkciju stalnog priključka privremeni vodovodni priključak mora demontirati u čvoru priključka.
- (2) Troškove demontiranja privremenog vodovodnog priključka snosi investitor ili vlasnik nekretnine.
- (3) Kod izgradnje privremenih vodovodnih priključaka treba se pridržavati svih tehničkih uslova za izgradnju priključka te uz zahtjeve za izgradnju priključka priložiti sve dokumente neophodne za izvođenje ove vrste priključka.

### Član 34.

- (1) Investitor ili korisnik objekta je dužan prije priključenja objekta na vodovodnu mrežu izvršiti ispiranje i dezinfekciju kućnih instalacija vodovoda, počevši od vodomjera pa do svih izlivnih mjesta u objektu , te izvršiti probu na pritisak.

(2) O navedenim radnjama iz stava (1) ovog člana se, kao dokaz prilažu odgovarajući zapisnik o tlačnoj probi i zapisnik o dezinfekciji i ispiranju instalacija, sačinjen i ovjeren od strane kvalifikovanog izvođača radova.

(3) Sve eventualne posljedice zbog neispravnih i nedezinficiranih kućnih vodovodnih instalacija snosi investitor, odnosno vlasnik objekta.

(4) Obveza investitora, odnosno vlasnika objekata, koji budu građeni poslije stupanja na snagu ove Odluke je ugradnja i puštanje u rad pojedinačnih-internih vodomjera, primopredaja izvedenog stanja Komunalnom javnom društvu d.o.o. Maglaj i dostava podataka o budućim vlasnicima stanova i poslovnih prostora.

## VII – ODRŽAVANJE I POPRAVKE

### Član 35.

KJD d.o.o. Maglaj je jedino ovlašteno i ima obavezuda vrši sve promjene i popravke na gradskim vodovodnim, hidrantskim i kanalizacionim spojevima.

### Član 36.

Održavanje unutrašnjih (kućnih) instalacija vodovoda i hidrantske mreže poslije vodomjera i u objektima nije u nadležnosti KJD d.o.o. Maglaj, odnosno održavanje unutrašnje instalacije kanalizacije, poslije revizionog šahta (do 3 m od objekta) nije u nadležnosti KJD d.o.o. Maglaj.

### Član 37.

Troškovi održavanja i popravke koje snosi KJD d.o.o. Maglaj odnose se na popravku i održavanje vodovodne, hidrantske i kanalizacione mreže u ulicama, trgovima i zemljištu u općoj upotrebi.

### Član 38.

KJD d.o.o. Maglaj je u obavezi da po obavještenju o kvaru na vodovodnom, hidrantskom ili kanalizacionom spoju, za čije je otklanjanje nadležno, najkasnije u roku od 24 h pristupi otklanjanju istog.

### Član 39.

Vlasnici stambenih jedinica dužni su održavati i dovesti u funkcionalno stanje, lično ili putem ovlaštenih upravitelja svoje kućne instalacije kao i instalacije koje spadaju u zajedničke dijelove ili uređaje zgrade.

### Član 40.

KJD d.o.o. Maglaj ne snosi odgovornost za prekid u pružanju komunalnih usluga ili za štetu kojih dolazi zbog neispravnosti kućnih instalacija ili uređaja, čije održavanje i dovođenje u funkcionalno stanje je u nadležnosti vlasnika stambenih jedinica ili njihovih ovlaštenih upravitelja.

### Član 41.

Prilikom priključenja korisnika na gradsku kanalizaciju, a koji su do tog momenta za odvodnju otpadnih voda koristili septičku jamu, obavezni su istu nakon napuštanja očistiti, dezinfikovati gašenim krečom i zatrpati zemljom.

## VIII – HIDRANTI I JAVNI IZLJEVI

### Član 42.

(1) Na mreži javnog vodovoda postavljaju se hidranti za uzimanje vode za gašenje požara.

(2) Hidranti iz prethodnog stava moraju biti javni i vidljivo obilježeni.

(3) Kod priključka unutrašnje hidrantske mreže na gradski vodovod važe odredbe koje se odnose na vodovodni priključak, te je dozvoljeno izvođenje zajedničkog priključka od ulične cijevi koji podrazumijeva montažu spoja na

ulični cjevovod, uličnog ventila, ugradne garniture, ulične kape do šahta za smještaj vodomjera za unutrašnju hidrantsku i unutrašnju sanitarnu mrežu.

(4) Razdvajanje hidrantskog i sanitarnog priključka se vrši u zajedničkom šahtu za smještaj vodomjera prije vodomjera za sanitarnu vodu i vodomjera za hidrantske unutrašnje uređaje.

#### Član 43.

Korisnici ne mogu biti priključeni na hidrantsku mrežu ukoliko nisu istovremeno priključeni na vodovodnu mrežu.

#### Član 44.

Voda iz javnih hidranata može se uzimati i za druge potrebe, ali samo na utvrđeni način i uz odobrenje KJD d.o.o. Maglaj.

#### Član 45.

Pod javnim izljevima podrazumijevaju se javne česme, vodokoci, fontane i slično.

#### Član 46.

(1) Javne izljeve na području općine održava KJD d.o.o. Maglaj shodno programima održavanja komunalnih objekata, održavanja javne higijene i zelenila, koje donosi Općinsko vijeće Maglaj, odnosno ugovorima zaključenim sa Općinom Maglaj.

(2) Javni izljevi moraju biti priključeni na javni vodovod i na istim moraju biti ugrađeni vodomjeri.

(3) Lokacije javnih izljeva određuje nadležni općinski organ, a utrošak vode iz javnih izljeva pada na teret općinskog Budžeta.

### IX – POSEBNI VODOVODI I VODNI OBJEKTI

#### Član 47.

Pod terminom posebni vodovodi i vodni objekti u smislu ove Odluke podrazumijevaju semjesni vodovodi i samostalni lokalni vodovodni objekti, izvori i bunari sa vlastitim zahvatom i distribucijom vode koji služe za snabdijevanje vodom mjesnih zajednica, pojedinih fizičkih lica, grupe građana ili pojedinih pravnih lica, a koje su izgradili i koje održavaju njihovi vlasnici i korisnici.

#### Član 48.

(1) Korisnici i vlasnici posebnih vodovoda i vodnih objekata su odgovorni za održavanje i funkcionisanje vodovoda i objekata koje su izgradili vlastitim sredstvima, kao i za vršenje minimalnog broja propisanih pregleda zdravstvene ispravnosti vode za piće.

(2) Vode iz posebnih vodovoda ne smiju se miješati sa vodom iz javnog vodovoda kojim upravlja KJD d.o.o. Maglaj.

#### Član 49.

(1) Instalacije gradskog vodovoda i kućne instalacije korisnika koje su spojene na gradski vodovod, niti bilo koje izlivno mjesto koje je spojeno na gradski vodovod, ne smije biti spojeno sa instalacijama na koje dolazi voda iz posebnog vodovoda.

(2) Smatra se da su instalacije gradskog i instalacije posebnog vodovoda razdvojene ako je neposredno iza vodomjera za gradski vodovod postavljen zatvarački ventil koji fizički odvaja i onemogućava dvosmjerno miješanje vode gradskog i posebnog vodovoda.

#### Član 50.

(1) Korisnici vode iz posebnog vodovoda mogu se priključiti na javni vodovod kada se on izgradi.

(2) Prilikom priključenja na javni vodovod, korisnik posebnog vodovoda je dužan postojeće objekte, postrojenja, opremu i mrežu posebnog vodovoda prilagoditi uslovima predviđenim ovom Odlukom.

(3) Odobrenje iz prethodnog stava daje KJD d.o.o. Maglaj.

(4) KJD d.o.o. Maglaj može upravljati mjesnim vodovodom, pod uslovima regulisanim važećim zakonskim propisima.

## X – NIVO VODNIH USLUGA

### Član 51.

Kvaliteta vode za piće u sistemu javnog vodosnabdijevanja mora odgovarati zahtjevima za zdravstvenu ispravnost vode za piće u skladu sa parametrima utvrđenim važećim zakonskim i podzakonskim propisima.

### Član 52.

Voda koja se isporučuje korisnicima mora po svom higijenskom, bakteriološkom i fizičko-hemijskom sastavu u potpunosti ispunjavati tražene standarde pitkosti koji su propisani Pravilnikom o zdravstvenoj ispravnosti vode za piće BiH.

### Član 53.

KJD d.o.o. Maglaj je u obavezi da obezbijedi kontinuirani sanitarno – higijenski nadzor vode koju isporučuje korisnicima.

### Član 54.

KJD d.o.o. Maglaj je dužno obezbijediti zvanične informacije o dostupnosti i kvaliteti vode.

### Član 55.

(1) KJD d.o.o. Maglaj odgovara za isporuku zdravstveno ispravne vode za piće do prodajnog mjesta (glavnog vodomjera).

(2) Korisnik vodnih usluga odgovoran je za kvalitetu vode za piće u internim vodovodnim instalacijama.

### Član 56.

(1) KJD d.o.o. Maglaj obvezno je vršiti kontrolu kvalitete otpadnih voda na sistemu javne odvodnje u skladu sa parametrima utvrđenim važećim zakonskim i podzakonskim propisima i izdanim vodnim dozvolama.

(2) Kontrolu kvalitete otpadnih voda vrše ovlašteni laboratoriji.

## XI – KORIŠTENJE VODE I OGRANIČENJE KORIŠTENJA VODE ZA POTREBE JAVNOG VODOSNABDIJEVANJA

### Član 57.

(1) Voda se mora koristiti na racionalan i ekonomičan način.

(2) Svaki korisnik vode dužan je koristiti se vodom na način i u obimu kojim se voda čuva od rasipanja i štetnih promjena njenih osobina (kvalitete) i omogućava pravo korištenja voda drugim licima, u skladu sa utvrđenim prioritetima.

(3) Korisnici su dužni poštovati upute, preporuke i zabrane koje izdaju nadležna javna tijela i KJD d.o.o. Maglaj, provoditi kontrolu interne vodovodne mreže, te obavještavati KJD d.o.o. Maglaj ukoliko primijete bilo kakvo nedopušteno korištenje vode, isticanje vode i slično.

### Član 58.

(1) Na osnovu analiza i procjena stanja raspoloživih količina vode na izvorištima i stanja u javnom vodosnabdijevanju u okolnostima kad je zbog vremenskih uslova ili drugih smetnji izvjesno da će nastupiti privremena nestašica vode u obimu koji bi stvorio nemogućnost zadovoljenja potreba dvadesetčetverosatne isporuke

vode svim korisnicima priključenim na javni vodovod, ili kad takve okolnosti nastupe, te u drugim opravdanim slučajevima, KJD d.o.o. Maglaj može ograničiti ili obustaviti snabdijevanje vodom.

#### Član 59.

Ograničenje vode podrazumijeva zabranu korištenja vode iz javnog vodovodnog sistema za sljedeće aktivnosti: pranje i polivanje dvorišta, avlija, pločnika, tepiha, zaljevanjebašta, travnjaka, platenika, sportskih terena korištenje vode iz javnog vodovoda u rekreativne svrhe (punjenje bazena i sl.), pranje vozila, i neracionalno trošenje vode u bilo koje svrhe.

#### Član 60.

Obustava vode podrazumijeva sljedeće mjere:

- Uvođenje redukcije vode prvog stepena
- Uvođenje redukcije vode drugog stepena
- Uvođenje redukcije vode trećeg stepena.

#### Član 61.

- (1) Redukcija isporuke vode prvog stepena podrazumijeva isključenje vode u noćnim satima.
- (2) Redukcija isporuke vode drugog stepena podrazumijeva isključenje vode u noćnim satima koje se nastavlja u dnevnom terminu.
- (3) Redukcija isporuke vode trećeg stepena uvodi se izuzetno, a podrazumijeva potpuno isključenje vode u vanrednim okolnostima, kao što su prirodne druge nepogode, tehnički kvarovi i slične okolnosti zbog kojih je nastala nemogućnost isporuke vode.

## XII – OBAVJEŠTAVANJE KORISNIKA USLUGA O PREKIDU KOMUNALNE USLUGE VODOSNABDIJEVANJA

#### Član 62.

- (1) KJD d.o.o. Maglaj dužno je u sredstvima javnog informisanja ili na drugi pogodan način obavijestiti korisnike komunalne usluge isporuke vode i/ili odvodnje kanalizacije o planiranim ili očekivanim smetnjama i prekidima koji će nastati ili mogu nastati u pružanju komunalnih usluga najkasnije jedan dan prije očekivanog prekida u pružanju tih usluga.

#### Član 63.

- (1) U slučaju nastupanja neplaniranih ili neočekivanih poremećaja ili prekida u pružanju komunalnih usluga isporuke vode i/ili odvodnje otpadnih voda, odnosno obavljanju komunalnih djelatnosti, davaoci komunalnih usluga dužni su odmah o tome na adekvatan način obavijestiti nadležni organ za komunalne poslove općine i istovremeno preduzeti mjere za otklanjanje uzroka poremećaja ili prekida.
- (2) Nadležni organ za komunalne poslove općine po prijemu obavještenja iz stava (1) ovog člana, odnosno po utvrđivanju poremećaja ili prekida u pružanju komunalnih usluga dužan je odmah da:
  - a) odredi red prvenstva i način pružanja usluga onim korisnicima kod kojih bi usljed prekida nastala opasnost po život i rad građana ili rad pravnih i fizičkih lica ili bi nastala značajna odnosno nenadoknadviva šteta;
  - b) naredi mjere za hitnu zaštitu komunalnih objekata i druge imovine koja je ugrožena;
  - c) preduzme mjere za otklanjanje nastalih posljedica i druge potrebne mjere za obavljanje komunalnih djelatnosti;
  - d) utvrdi razloge i eventualnu odgovornost za poremećaj, odnosno prekid vršenja djelatnosti i učinjenu štetu.

## XIII-PRIVREMENA I TRAJNA ODJAVA

#### Član 64.

(1) Korisnik - potrošač je dužan da plaća naknadu za korištenje vode, sve dok ne podnese pismeni zahtjev za odjavu, te se po istom prestane isporučivati voda korisniku.

(2) Odjava korištenja vode može biti trajna ili privremena.

#### Član 65.

(1) Trajno se može otkazati korištenje vode samo ako se objekat stavlja van upotrebe, ili u slučaju prestanka korištenja privremenog priključka.

(2) Troškove postupka odjave i ponovnog korišćenja vode snosi korisnik.

(3) Privremena odjava traje najduže onoliko koliko procijeni KJD d.o.o. Maglaj shodno zaprimljenom zahtjevu, a na osnovu objektivne procjene.

(4) U slučaju privremene odjave korištenja vode zatvara se ulični ventil, a po potrebi demontira se i vodomjer, a u slučaju trajne odjave blindira se vodovodna cijev.

### XIV- USKRAĆIVANJE USLUGA

#### Član 66.

Komunalna usluga se može uskratiti korisniku, u skladu sa Zakonom o komunalnim djelatnostima, ako:

- a) izvrši priključenje na komunalnu mrežu bez prethodno pribavljenog odobrenja nadležnog organa ili davaoca komunalne usluge;
- b) otpočne sa korištenjem komunalne usluge bez prethodne prijave i davanja potrebnih podataka za evidentiranje obveznika plaćanja kod davaoca usluga;
- c) koristi uslugu protivno propisima ili ugovoru;
- d) ne plati iskorištenu komunalnu uslugu tri mjeseca uzastopno ili odbija da primi račun ili vrati račun za izvršenu komunalnu uslugu bez opravdanog razloga;
- e) neosnovano ometa druge korisnike usluga;
- f) nenamjenski koristi komunalnu uslugu u vrijeme otežanog snabdijevanja, odnosno snabdijevanja uz ograničenje potrošnje (redukciju) o čemu je korisnik blagovremeno obaviješten na odgovarajući način;
- g) bez odobrenja davaoca komunalne usluge izvrši prepravku ili dogradnju na instalacijama komunalne infrastrukture
- h) je prostor za smještaj mjernog instrumenta potrošnje krivicom ili iz nehata potrošača zagađen, zaključan ili nepristupačan;
- i) potrošač ima potrošnju vode preko 250 l/dan po članu domaćinstva i time ugrožava snabdijevanje drugih potrošača;
- j) potrošač priključi nove mjerne instrumente potrošnje i kanalizacione instalacije ili izvrši rekonstrukciju postojećih, ili ako dozvoli da se na njihov priključak priključi drugi objekat, a za ove radove i postupke nema pismeno odobrenje davaoca usluga;
- k) potrošač namjerno pokvari mjerni instrument potrošnje;
- l) potrošač bez odobrenja davaoca usluge izvrši izmještanje kućnog priključka ili mjernog instrumenta potrošnje ili skidanje mjernog instrumenta potrošnje;
- m) potrošač svoju kućnu instalaciju priključi na kućne instalacije drugog korisnika bez odobrenja davaoca usluge;
- n) potrošač instalacije posebnih (lokalnih) vodovoda spoji sa instalacijama preko kojih se snabdijeva vodom iz gradskog vodovoda;
- o) onemogućiti službenom licu pristup za očitavanje mjernog instrumenta potrošnje i nakon pismene opomene;
- p) onemogućiti ulazak radi pregleda zajedničkih i unutrašnjih instalacija ovlaštenom predstavniku davaoca komunalnih usluga, odnosno nadležnom inspektor, u zgradama gdje je zajedničko mjerilo ili gdje mjerilo ne postoji;
- r) potrošač koji je bio isključen sa komunalne mreže sam se ponovo priključi na komunalnu mrežu;

(2) Komunalne usluge iz stava (1) ovog člana uskratit će se korisniku pod uslovom da to tehničke mogućnosti dozvoljavaju i da se isključenjem ne ugrožavaju drugi korisnici komunalnih usluga.

(3) Po prestanku razloga za uskraćenje komunalne usluge, davaoci komunalnih usluga su dužni da, na zahtjev korisnika komunalne usluge, najkasnije u roku od tri dana od dana podnošenja zahtjeva i plaćenih stvarnih troškova za ponovno uključanje, nastave pružanje komunalne usluge korisniku.

(4) Korisnik ne može otkazati korištenje komunalne usluge ako to tehničke mogućnosti ne dozvoljavaju, odnosno ako bi se time ugrozio kvalitet korištenja i standard drugih korisnika, te ako bi se time negativno uticalo na okoliš.

## XV - NAKNADE

### Član 67.

(1) Za priključenje na javnu vodovodnu, hidrantsku i kanalizacionu mrežu plaćaju se određene takse i ostali troškovi.

(2) Osnovica za obračun takse je  $m^2$  površine stambenog, poslovnog ili drugog objekta, a na istu se dodaje iznos utrošenog materijala, montažnih radova, administrativno-tehničkih poslova i PDV-a.

(3) Taksa se obračunava po sljedećim tarifama:

a) Za poslovne prostore u vlasništvu pravnih i fizičkih lica:

- Priključak na vodovodnu, kanalizacionu i hidrantsku mrežu je 4,80 KM po  $m^2$  površine objekta do 10.000  $m^2$ , a 2,40 KM po  $m^2$  površine za objekte preko 10.000  $m^2$ , s tim da je način obračuna za prvih 10.000  $m^2$  po 4,80 KM/ $m^2$  površine objekta, a ostala površina objekta preko 10.000  $m^2$  se obračunava po 2,40 KM/ $m^2$  površine objekta

- Priključak na vodovodnu mrežu bez kanalizacije je 70 % od cijene po  $m^2$  površine objekta za priključak na vodovodnu, kanalizacionu i hidrantsku mrežu

- Priključak na kanalizacionu mrežu bez priključka na vodovodnu mrežu je 30 % od cijene po  $m^2$  površine objekta za priključak na vodovodnu, kanalizacionu i hidrantsku mrežu;

b) Za stambene objekte u vlasništvu fizičkih lica i pravnih lica:

- priključak na vodovodnu i kanalizacionu mrežu 2,40 KM po  $1m^2$  korisne površine objekta;

- priključak na vodovodnu mrežu bez kanalizacije 1,70 KM po  $1m^2$  korisne površine objekta;

- priključak na kanalizaciju bez priključka na vodovod 0,70 KM po  $1m^2$  korisne površine objekta

c) Javne ustanove čiji je osnivač općina, kanton, federacija odnosno državne ustanove, tretirat će se u skladu sa tačkom b) , odnosno kao fizička lica.

## XVI –MJERENJE POTROŠNJE VODE

### Član 68.

Kod formiranja cijena usluga isporuke vode i odvodnje kanalizacije, u skladu sa Tarifnim sistemom za obračun usluga isporuke vode, odvodnje kanalizacije i prikupljanja i odvoza komunalnog otpada Općine Maglaj, utvrđuju se dvije kategorije korisnika:

1. Korisnici - fizička lica (vlasnici/korisnici stambenog prostora)

2. Korisnici - pravna lica (vlasnici/korisnici poslovnog prostora).

### Član 69.

Količina isporučene, odnosno preuzete vode utvrđuje se:

- Očitanjem na individualnom vodomjeru,

- Očitanjem na zajedničkom vodomjeru,

- Paušalno.

### Član 70.

Obračun cijene usluge isporuke vode koji se formirana bazi očitavanja na individualnom vodomjeru, sastojise od varijabilnog i fiksnog dijela cijene, pri čemu varijabilni dio čini utrošena količina vode po m<sup>3</sup>, a fiksni dio (trošak mjernog mjesta) podrazumijeva troškove održavanja, baždarenja, zamjene vodomjera i slične troškove.

#### Član 71.

(1) Obračun cijene usluge odvodnje kanalizacije sastojise od varijabilnog dijela cijene i formira se na bazi očitavanja utrošene količine vode po m<sup>3</sup>, koja predstavlja količinu ispuštene vode.

(2) Obračun potrošnje vode i kanalizacije za jedno domaćinstvo u kolektivnim stambenim zgradama, gdje se obračun formira na bazi očitavanja na zajedničkom vodomjeru, vrši se tako što se potrošnja po jednom članu domaćinstva (koja se dobije dijeljenjem ukupne potrošnje vode sa brojem članova na tom mjernom mjestu) množi sa brojem članova tog domaćinstva.

(3) Na iznos obračunate potrošnje vode iz prethodnog stava dodaje se iznos troška mjernog mjesta - fiksni dio.

(4) U objektima u kojim svi korisnici imaju interne vodomjere, ukoliko se utvrdi da je ukupno očitana potrošnja kod svih korisnika usluga manja od očitane potrošnje na glavnom vodomjeru (uslijed gubitaka vode na zajedničkim vodovodnim instalacijama ili eventualna zajednička potrošnja u zajedničkim prostorijama objekta) onda se utvrđena razlika (izgubljena voda) fakturiše svim korisnicima usluga srazmjerno broju članova, na način da se njihova pojedinačna potrošnja uvećava za pripadajući udio izgubljene vode.

#### Član 72.

(1) Kod obračuna cijene usluge isporuke vode i/ili kanalizacije kod kojih nije moguće utvrditi potrošnju vode, odnosno za lica koja nemaju instalirane vodomjere, obračun se vrši se u utvrđenom paušalnom iznosu po kategorijama fizičkih i pravna lica, pomnoženom sa cijenom vode i/ili kanalizacije.

(2) Paušalni iznos iz stava (1) ovog člana predstavlja utvrđenu prosječnu potrošnju za korisnike određene kategorije, odnosno potkategorije.

#### Član 73.

U okviru kategorije Korisnici – pravna lica, cijene se kod paušalnog obračuna za korisnike koji nemaju vodomjere formiraju po izlivnom mjestu, u odnosu na djelatnost kojom se bave, te se uskladu s tim razvrstavaju na sljedeće potkategorije:

2a) trgovine

2b) ugostiteljstvo

2c) škole i predškolske ustanove i

2d) ostali korisnici.

#### Član 74.

U slučaju samovoljnog, odnosno nelegalnog priključenja, kada se ne može registrovati potrošnja, obračun utrošene vode i/ili kanalizacije vrši se jednokratno po utvrđenom paušalnom iznosu različitim za kategorije fizičkih i pravnih lica, pri čemu se i za sva pravna lica cijene utvrđuju ujednakom iznosu, bez obzira kojoj potkategoriji iz člana 73. ove Odluke pripadaju.

#### Član 75.

(1) Očitavanje utroška vode s glavnog vodomjera u zgradama kolektivnog stanovanja, vodomjera postavljenih u stubišta zgrada i vodomjera koji se nalaze izvan unutrašnjosti objekta, a kojim je omogućen pristup, vrše ovlašteni uposlenici KJD d.o.o. Maglaj.

(2) Obaveza korisnikakoji imaju internevodomjere je da redovno javljaju stanje utroška vode, prema instrukcijama KJD d.o.o. Maglaj:

- korisnici pravna lica – krajem svakog mjeseca
- korisnici fizička lica – krajem svakog tromjesečja (krajem 3.,6., 9.i 12. mjeseca).

(3) Svaki korisnik mora imati periodično, od strane ovlaštenih lica KJD d.o.o. Maglaj provjeravanu tačnost očitavanja vodomjera, a najmanje jednom godišnje.

(4) Ukoliko korisnik ne omogući očitavanje vodomjera službenom licu KJD d.o.o. Maglaj, ovlašteno lice KJD d.o.o. Maglaj ostaviće pismenu opomenu korisniku s navedenim datumom i satom ponovnog dolaska, te ukoliko korisnik u navedenom vremenu ponovo ne omogući pristup vodomjeru, KJD d.o.o. Maglaj će istom uskratiti uslugu vodosnabdijevanja, izuzev ukoliko korisnik iz opravdanih razloga nije u mogućnosti omogućiti pristup.

(5) Do utvrđivanja stvarnog utroška vode, obračun se vrši paušalno.

(6) Računi za vodu i kanalizaciju ispostavljaju se fizičkim licima kvartalno (tromjesečno), a pravnim licima mjesečno.

#### Član 76.

(1) Po uvođenju sistema daljinskog očitavanja vodomjera, o čemu će korisnici biti obavješteni, investitori novoprojektovanih objekata obavezni su u okviru projekta internih vodovodnih instalacija predvidjeti M-bus ili radijski sistem daljinskog očitavanja potrošnje vode (M-bus stanica, vodomjeri sa impulsnim izlazom i dr.) za objekat kolektivnog stanovanja ili poslovni objekat, te dostaviti KJD d.o.o. Maglaj u elektronskoj verzijišemu povezivanja vodomjera u m-bus mrežu (veza zbirni vodomjeri sa centralom i pojedinačni vodomjeri u objektu sa centralom), te je neophodno izvršiti kontrolu sljedećeg:

- Instalisanja m-bus kabla JY(St)Y 2x(2x0,8) za povezivanje pojedinačnih vodomjera kroz objekat;
- Predvidjeti lokaciju, nabavku i ugradnju ormarića za smještaj m-bus centrale i GPRS terminala;
- Instalisanja m-bus kabla JY(St)Y 2x(2x0,8) iz vanjskog šahta za smještaj vodomjera za zbirno mjerenje do ormarića sa m-bus centralom;
- Instalisanja m-bus centrale za očitavanje vodomjera i GPRS terminala za prijenos podataka (ugradnju, povezivanje i programiranje vodomjera na m-bus centrali i povezivanje GPRS terminala sa m-bus centralom radi isporučilac opreme);
- Izvršiti kontrolu dimenzija i izvršiti obilježavanje ormarića za horizontalnu ugradnju jednomlaznih vodomjera sa m-bus modulima, sa oznakom poslovne ili stambene jedinice za koju je namjenjen.

(2) Investitor se obavezuje usaglasiti tehničke karakteristike opreme (M-bus ili radijski sistem daljinskog očitavanja) sa KJD d.o.o. Maglaj, kako bi isti bilo moguće implementirati u postojeći sistem očitavanja (Korisnička aplikacija za daljinsko očitavanje).

(3) Izvođenje instalacija od zbirnog vodomjera do pojedinačnih vodomjera etažnih jedinica, uključujući nabavku i montažu pojedinačnih vodomjera je u nadležnosti investitora, a može se povjeriti bilo kojem izvođaču registrovanom za obavljanje predmetne djelatnosti.

(4) Nadležnost i odgovornost za instalacije objekta od zbirnog vodomjera do pojedinačnih vodomjera zasebnih cjelina pripada isključivo skupu etažnih vlasnika, odnosno preduzeću kojem skup građana povjeri instalacije na održavanje.

(5) Troškove prenosa podataka i instalaciju neophodne SIM kartice za komunikaciju preuzima KJD d.o.o. Maglaj.

(6) Za stvaranje uslova za registraciju pojedinačnih vodomjera za etažne jedinice, investitor je dužan da dostavi:

- Rješenje o provedenom Elaboratu o etažiranju objekta pribavljenom od nadležnog općinskog suda;
- Zapisnik o instaliranju pojedinačnih vodomjera, izdat od ovlaštene firme;
- Šemu povezivanja instalisanih vodomjera, centrale i GPRS terminala;
- Izjavu o obavezi plaćanja općinske takse.

(7) Kod novoizgrađenih individualnih objekata stanovanja (kuće), vlasnik objekta je dužan podnijeti zahtjev za priključak KJD d.o.o. Maglaj, pri čemu KJD d.o.o. Maglaj određuje tehničke uslove za priključenje i po ispunjenju istih, izvodi priključak.

(8) KJD d.o.o. Maglaj daje saglasnost, a na osnovu toga se izdaje urbanistička saglasnost od strane Službe za urbanizam, geodetske i imovinsko - pravne poslove općine Maglaj u svrhu pribavljanja odobrenja za građenje stambenog, poslovnog ili stambeno-poslovnog objekta.

#### Član 77.

(1) Korisnici komunalnih usluga dužni su sve promjene koje utiču na obračun prijaviti KJD d.o.o. Maglaj u roku od 8 dana od dana nastale promjene, uz predočenje relevantnih dokaza.

(2) Kućni savjeti, mjesne zajednice i etažni vlasnici dužni su putem svojih ovlaštenih predstavnika saradivati sa KJD d.o.o. Maglaj, odnosno dostavljati sve podatke neophodne za obračun i ispravnu evidenciju korisnika usluga.

### XVII – ZAVRŠNE ODREDBE

#### Član 78.

(1) Korisnik javnog vodovoda može tražiti pismenim putem od KJD d.o.o. Maglaj da utvrdi ispravnost vodomjera koji su ugrađeni shodno odredbama ove Odluke, odnosno prema uslovima propisanim od strane KJD d.o.o. Maglaj.

(2) KJD d.o.o. Maglaj dužno je odmah, najkasnije u roku od 15 dana poslati vodomjer na kontrolu.

(3) Ukoliko se utvrdi da je vodomjer ispravan, troškovi kontrole padaju na teret korisnika, koji je zahtijevao kontrolu, ako se ustanovi da je vodomjer neispravan, troškovi opravke padaju na teret KJD d.o.o. Maglaj.

#### Član 79.

(1) Za gašenje požara i za vrijeme drugih opasnosti Profesionalna vatrogasna jedinica i Dobrovoljna vatrogasna društva mogu koristiti vodu i za vrijeme ograničenja.

(2) Profesionalne vatrogasne jedinice i Dobrovoljno vatrogasno društvo su u svakom slučaju dužni voditi evidenciju o utrošku vode sa javne hidrantske mreže i podatke bez odlaganja dostaviti KJD d.o.o. Maglaj na evidentiranje.

(3) Ovako utrošena voda se neće naplaćivati od strane KJD d.o.o. Maglaj.

#### Član 80.

Ova Odluka stupa na snagu osmog dana od dana objavljivanja u Službenim novinama općine Maglaj.

### XVIII - KAZNENE ODREDBE

#### Član 81.

Novčanom kaznom u visini od 100,00 do 300,00 KM kaznit će se KJD d.o.o. Maglaj :

- ako ne postupi u skladu sa članom 12.
- ako ne postupi u skladu sa članom 13.
- ako ne postupi u skladu sa članom 17.
- ako postupi suprotno članu 19.
- ako ne postupi u skladu sa članom 26.
- ako odobri priključak suprotno članu 27.
- ako odobri privremeni priključak suprotno članu 32.
- ako ne postupi u skladu sa članom 38.
- ako ne postupi u skladu sa članom 52.
- ako ne postupi u skladu sa članom 53.
- ako ne postupi u skladu sa članom 54.

- ako ne postupi u skladu sa članom 62.
  - ako ne postupi u skladu sa članom 63. stav (1)
  - ako postupi suprotno članu 65. stav (1) (3) (4)
  - ako postupi suprotno članu 66. stav (2) i (3)
  - ako ne obračunava naknade shodno članu 67.
  - ako ne vrši obračun shodno članu 71., 72. i 73.
  - ako postupa suprotno članu 75. stav (1) (5) (6) i (6)
  - ako ne postupi u skladu sa članom 78. stav (2) i (3),
- a odgovorno lice u pravnom licu od 50,00 do 100,00 KM.

#### Član 82.

Novčanom kaznom u visini od 500,00 do 1000,00 KM kazniče se korisnik, odnosno obveznik:

- ako ne postupi u skladu sa članom 8.
- ako ne postupi u skladu sa članom 9.
- ako ne postupi u skladu sa članom 10.
- ako postupi suprotno članu 14.
- ako postupi suprotno članu 17.
- ako postupi suprotno članu 20.
- ako postupi suprotno članu 25.
- ako postupi suprotno članu 27.
- ako postupi suprotno članu 34.
- ako postupi suprotno članu 35.
- ako ne postupi u skladu sa članom 39.
- ako postupi suprotno članu 48. stav (2)
- ako postupi suprotno članu 49.
- ako postupi suprotno članu 57.
- ako ne postupi u skladu sa članom 75. stav (2) i (4)
- ako po uspostavi daljinskog sistema očitavanja ne postupi u skladu sa članom 76.
- ako postupa suprotno članu 77.
- ako ne postupi u skladu sa članom 78. stav (3)
- ako postupi suprotno članu 79. stav (2).

Ako je korisnik pravno lice kazniče se novčanom kaznom od 300,00 do 800,00 KM, a odgovorno lice u pravnom licu od 100,00 do 500,00 KM.

Broj:  
Datum:

PREDSJEDAVAJUĆA

Aida Bašić

## Образложение:

Pravni osnov za donošenje nove Odluke o vodovodu i kanalizaciji je sadržan u članovima 6. i 14. Zakona o komunalnim djelatnostima Zeničko – dobojskog kantona.

Primarni razlog za donošenje nove Odluke o javnom vodovodu i kanalizaciji leži u potrebi hitnog usklađivanja ove oblasti sa važećim zakonskim okvirima.

Postojeća Odluka o vodovodu i kanalizaciji datira iz 2003. godine i pravno je zastarjela, budući da su u međuvremenu stupili na snagu novi federalni i kantonalni zakoni o vodama, kao i kantonalni Zakon o komunalnim djelatnostima.

Primjenom stare Odluke stvara se pravna nesigurnost i nemogućnost adekvatnog nadzora i upravljanja sistemom vodnih usluga.

Pored pravnog usaglašavanja, donošenje nove odluke diktiraju i stvarni tehnički razlozi na terenu.

Postojeći sistem suočava se sa kontinuiranim i visokim gubicima vode na distributivnoj mreži. Kako bi se ovi gubici minimizirali i podigao nivo efikasnosti javne usluge, planirana je modernizacija sistema uvođenjem daljinskog očitavanja vodomjera.

S obzirom na to da važeća odluka iz 2003. godine pravno ne reguliše ovaj sistem rada, donošenje nove odluke je preduslov za implementaciju nove tehnologije i prelazak na ekonomski održiviji sistem upravljanja vodnih usluga.

Donošenje nove odluke predstavlja ključni korak prema pravnom usaglašavanju, tehničkoj modernizaciji sistema i dugoročnom podizanju kvaliteta komunalnih usluga za sve korisnike.

Обрађивач: Сарачевић Јасминка

Контролор: Фарис Хабибовић



PREDLAGAČ  
OPĆINSKI NAČELNIK  
Maid Suljaković



